

### Wujud pusat pendidikan khas autisme ikut zon

**BANDARAYA MELAKA** - Pusat Pendidikan Khas yang akan berfungsi sebagai pusat intervensi awal bagi membantu golongan autisme akan diwujudkan di setiap zon di seluruh negara.

Menteri Pembangunan Wanita, Keluarga dan Masyarakat, Datuk Seri Rohani Abdul Karim berkata, pusat yang akan diwujudkan di bawah Program Anak Permata Negara (Permata) itu akan dilaksanakan menerusi Persatuan Kebangsaan Autisme Malaysia (Nasom).

Menurutnya, kementerian sudah memohon kepada Permata untuk mewujudkan pusat pendidikan khas autisme di setiap negeri memandangkan kini satu-satunya pusat sedemikian hanya terdapat di Pusat Permata Kurnia di Kuala

Lumpur.

“Saya tahu kos pembinaannya tinggi. Tetapi jika tidak dapat diwujudkan di setiap negeri, kita mencadangkan supaya ia dibina di setiap zon wilayah,” katanya semasa merasmikan program *Walk For Austime* kali ke-8 di Banda Hilir, di sini semalam.

Program diadakan sempena sambutan Ulangtahun Hari Bandaraya Melaka itu turut dihadiri Ketua Menteri, Datuk Seri Idris Haron serta Ketua Pengarah Jabatan Kebajikan Masyarakat (JKM), Datuk Zulkiply Ramli.

Sementara itu, Rohani berkata, ibu bapa serta anggota keluarga perlu memberi rawatan pemulihan awal kepada mereka yang mempunyai masalah autisme.



Idris dan Rohani pada perasmian *Walk For Autisme* di Banda Hilir, semalam.